

DE GLÉCKLECHE SISYPHUS

OPRUFF FIR ENG MUSIKALESCH KOMPOSITIOUN



Fir d'Rentrée 2021/22 plangen de radio 100,7 an de KulturKanal (KUK) e gemeinsame Projet, bei deem **d'Kreatioun vun enger Kompositioun an engem Text fir Chouer, begleet vun enger Videokreatioun**, am Mëttelpunkt stinn.

Besetzung: SATB

Längt vum Wierk: 4 bis 5 Minutten

Dotatioun fir d'Kompositioun: 2.000,00 EUR HTVA

Dotatioun fir den Text: 1.000,00 EUR HTVA

D'Commande riicht sech un all lëtzebuergesch KomponistInnen & AutorInnen an/oder KomponistInnen & AutorInnen, deenen hire Wunnsätz zu Lëtzebuerg ass. D'Stéck soll eng Längt vu minimal véier Minutten a maximal fënnef Minutten hunn a gëtt vum Vokalensemble The Duke's Singers uropgeféiert. D'Theema vum Stéck ass virdefinéiert an heescht: "Gléckleche Sisyphus". Dat Theema kann explizit oder implizit am Text virkommen. Den Text muss op Lëtzebuergesch oder enger vun den aneren offizielle Sproochen hei zu Lëtzebuerg verfaasst ginn.

D'KomponistInnen an d'SchrëftstellerInne sollen hir gemeinsam Kandidatur mat enger Biographie, Extraite vu well geschriwwene Wierker (Audio/Text/Partitur), an enger detaillierter Beschreibung iwwer déi geplangte Kompositioun bis den 15. Abrëll 2021 un d'Email-Adress chouer@100komma7.lu eraschécken.

Den Ensembl, deem d'Kompositioun uropféiert, ass The Duke's Singers. Gegrënnt 2013 nom Virbild vum Ensembl The King's Singers sinn d'Duke's Singers a lauter verschiddenen Epochen a Stilrichtungen doheem a bidden dem Komponist/der Komponistin esou eng ganz Bandbreet u méiglechen Usätz fir d'Stéck. Weider Informatiounen iwwer den Ensembl fënnt een iwwer folgende Site: www.dukessingers.lu

Eng Jury, déi aus Verrieder vum radio 100,7, vum KUK a vum Ensembl The Duke's Singers besteet, analyséiert d'Kandidaturen a sicht d'Gewënner eraus.

DE GLÉCKLECHE SISYPHUS

OPRUFF FIR ENG MUSIKALESCH

KOMPOSITIOUN



Zäitplang:

- 15. Abrëll 2021: Deadline fir d'Kandidature
- Enn Abrëll 2021: Annonce vum Gewënner/Gewënnerin
- 15. Juli 2021: Deadline fir d'Areche vum Wierk
- Rentrée 2021/22: Uropféierung

De radio 100,7 an de KUK hunn dat exklusivt Recht, déi éischt Uropféierung vum Wierk ze organiséieren, ze iwwerdroen an dës Performance ze rediffuséieren, wéi och online iwwer verschidde Kanäl der Ëffentlechkeet zougänglech ze maachen (Mediathéik/KUK/etc.).

De radio 100,7 an de KUK hunn d'Recht de Prozess vum Entstoe vum Wierk medial ze begleeden.

De Komponist/Komponistin an de Schrëftsteller/Schrëftstellerin garantéieren, datt an hirem Wierk keng Elementer verschafft ginn, déi d'Rechter vun enger anerer Persoun verletzen.

De radio 100,7 an de KUK kënnen net garantéieren, datt den Oflaf vum Projet net ofgeännert oder verluecht ka ginn. D'Areche vun enger Kandidatur bedeit automatesch, datt de Kandidat/d'Kandidatin mat de Konditiounen vun dëser Kandidatur averstane sinn.



Mat der Ënnerstëtzung vun der Fédération Luxembourgeoise des Auteurs et Compositeurs.